

COMUN: Al vëgn lascé al savèi che les domandes por contribuc y aiüc economics por l'ativité ordinara tl ann 2020 a uniuns/assoziaziuns mëss gni dades jö te comun cina le vëndres, 27 de merz 2020.

PLOANIES SAN MARTIN Y LUNGIARÜ

Tla ciasa „Haus der Familie a Lichtenstern/Oberbozen,“ él ai 22 de forá na sabeda de informaziuns, aiüc y consëis por chi che organisëia mësses o zelebraziuns por mituns y/o families, cun Annamaria y siur Tone Fiung, dales 9.00-17.00. Cost 45 € a ce. Infos y prenotaziuns 0471 345172 o www.hdf.it

SAN MARTIN

Incö domënia, ai 16 de forá, se presëntëia pro la gran mëssa: Emily Zingerle, Karolin Zingerle, Sophia Planatscher, Gabriel Planatscher, Jan Moling y Leonardo Gadda che jará ai 10 de ma ala pröma comuniun. Le tru de preparaziun y la pröma comuniun é n avenimënt important por nosta comunité che se desleria y crësc adöm incër la mësa dl Signur.

Le KVV inviëia düc en jöbia grassa ai 20/02, dales 14.00, tl salf di stödafüch ala cartada da Carlascé. I mius ciarará n pest y i manco bugn le “pozer”. Al vëgn tenü sö “Faschingskrapfen” y da bëre. Präibel gnide tröc.

N bel dylan dles ofertes che é gnüdes ite por scialdé la dlija y la calonia. Chi che n'ess nia sciafié o che s'ess desmentié da dé so contribut pó tres ciamó le fá paian ite tla cassa sön le cunt dla plonia da San Martin: IBAN IT 11 J 08010 58830 000304004922. Cun n bel dylan - *le Consëi d'Aministrasiun*

LUNGIARÜ

La Uniun di Seniors da Lungiarü inviëia en Domënia Grassa, 23/02, a raité. I piun fora dala Ütia de Ciampcios dales 12.30. Gnide düc. Info 346 35 87 173.

Quiz pur la Domënia dla Parora de Dî: Indöt n'él sté 26 che á respognü ales domandes dl quiz sura le vangele do San Matî. Danter i 18 che á respognü dërt a dötes les domandes él gnü trat fora chisc 3 inoms: Monica Schanung, Maria Verginer y Manuela Pezzei, che gnará spo premiá. Le quiz, ince sc'al n'è nia saurí, á dessigü daidé da ciáfé confidënza cun chësc vangele y cun la vita de Gejú; dylan a chi che á tut pert.

La Jonëza da Paur inviëia adöm cun Profanter a n domisdé, olache al vëgn mostré le quant nü da jí te bosch y ince venü a n miü prisc. Düc é bel inviá, pó gni a se porvé le quant y a s'informé la sabeda, ai 22 de forá, dales 16.00 tl local dles uniuns a San Martin.

Le Sorvisc ai Jogn Val Badia chir por l'„Isté Deboriada 2020“ jogn y jones de majera eté sciöche animadus/dësses. Implü ti vëgnel ince pité a jogn y jones, da 16 agn insö, la poscibilité da fá n practicum y se davagné val' d'isté. Por s'informé y s'annunzié: Sorvisc ai Jogn 0474 523070 (lön - jöb dales 8.00-12.00) o pro Manuela 371 47 80 867, e-mail: manuela@jogn.org. Termo por dé jö les domandes é ai 29 de forá 2020!

Curs de ladin por prinzipianc dai 23/03 ai 18/05 vigni lönesc dales 19.30-21.00 tl Istitut Ladin a San Martin: Info y prenot. 0474 523 110 o ulrike@micura.it



www.unitepastorala.org

Plata dles Ploanies San Martin y Lungiarü

siur ploan Klaus Sottsas 344 15 54 055 - klssottsas@yahoo.de
siur curat Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

16.02 – 23.02.20 nr. 12

ultimo termo por comunicaziuns: jöbia dales 20.00

6^a DOMËNIA IA POR L'ANN A


Vangele do Matî 5,17-37

Te chël tēmp à Gejú dit a sü discepu: Ne stede a ponsè, ch'i sides gnü a tó jö la lege o i profec. I ne sun nia gnü a tó jö, mo a compli.

Amen, chël ves diji: Cina che le cil y la tera ne passa nia ia, ne passarà gnanca la mëndra lëtra dla lege, denant ch'al ne sides döt compli.

Chël che tol jö ince mâ
un di plü pici comandamënc
y che insëgna la jënt aladô,
chël sarà le mënder tl rëgn dl cil.

Mo chël che i osservëia
y insëgna da i osservè,
chël sarà gran tl rëgn dl cil.
Porchël ves diji: Sce osta iustizia
n'è nia cotan maiü co chëra
di studià dles scritöres y di farisës,
ne rovarëise nia tl rëgn dl cil.



Incö esagerëia Gejú propi dassënn. Mo da ascuté sö döt le vangele da incö s'intënon defata che Gejú ne n'ò nia mëte sö comandamënc nüs.

Sc'al dij te na maniera radicala: "Al é damí che te tires fora l'edl, co te lascé trá al mal", m'inviëiel dantadöt da ponsé do:

Co éra pa cun mia minunga, cun mi pinsiars y cun mies intenziuns?

Al ne basta nia da osservé i comandamënc ala lëtra, sc'al n'è nia iadedô l'amur a Chël Bel Dî y le dejiar da l'incunté tla mëssa dla domënia, l'amur y la reconescënza por le pere y la uma, l'amur y le dër fistide por i mituns che ó la compagnia di geniturs, l'amur, le respet y la sinzirité defrunt al om, ala fomena o al partner, l'amur y la orenté da se reconzilié y da chirí la pesc.

Y chël che ti ó bun ai comandamënc intenüs indortöra ti ó ince bun a Idî.

EDEMA	SAN MARTIN	LUNGIARÜ	Da insigné jö i sorvidus â le ploan damané: Cì desfarènzia éi pa danter na mëssa y na liturgia dla parora? - la picia Tarina â metü dër averda: Canch'al vëgn juté sö, dailö éi dagnora mëssa.  Da sèra ürta le mone le ploan dan dlijia che s'la baudia: Incö sunsi propi stanch, trëi sopoltöres indolater, berba Lipo ch'i un sopolì te cortina, mëda Vitoria che é gnüda burjada y Jöpl de Canzio che é gnü composté. - Ciodí pa composté? - Pu sëgn éi ince i vërc che mèt bel plan man da morí. En jöbia santa â le sorvidú Severin messù jí sura sacherstia a tó la sbatora. Da gní jö èl tomé jö por stiga rodunt söl nes. Al è atira salté ia le mone: Ne t'aste mine rot le nes? - No, no, i dui büsc ài bele denant.  BENEDISCIUN Bel Dì, benedëscesse cun mituns dala buna löna benedëscesse cun jogn che ciara confidënc tl dagní benedëscesse cun ëi y ëres che se lascia trá dal rëgn de Dì benedëscesse cun jënt vedla che ne s'la vëiga nia y che präia por nos. Amen.
16.02.2020 6ª DOMÈNIA - ANN A	9.00 Corona 9.30 Gran Mëssa por la Comunità cun presentaziun di neocomunicanc + siur Angel Morlang (dl ann) + + siur Bertrand y Paula Vollmann vis y def. families Sepl y Gemma Frenes de ringraziamënt di geniturs defunc	7.55 Corona 8.15 Gran Mëssa por la Comunità + siur Heinrich Videsott y por les püres Animes	
17.02.20 Lönesc <i>Fondadus di Servic, Marzel</i>			
18.02.20 Dedolönesc <i>Scimun, Costanzia</i>	19.30 Mëssa por i familiars defunc fam. Christian Bacher de ringraziamënt + + fredesc Ferdigg, Preroman + Sepl Penazzi		
19.02.20 Dedemesaledema <i>Irmgard, Bonifaz</i>		7.50 Mëssa di scholars + + Carlo y Pio Mischí por les püres Animes	
20.02.20 Jöbia - Jöbia Grassa <i>Amata, Iordan</i>	7.30 Mëssa + Pepi Dejaco, Larjëi + + Helmut Dejaco y siur Heinrich Videsott + Pire Tavella, Cëch + Paula Ploner Trebo Corona por vocaziuns		
21.02.20 Vëndres <i>Pire Damiani, German, Eleonora</i>	18.30 Adoraziun chîta 19.00 Adoraziun deboriada	7.30 Mëssa por fam. Giovanni Chiusura + + Giovanni y Sabina Clara, Seres	
22.02.20 Sabeda <i>Catedra de San Pire, Diego, Isabela, Margareta da Cortona</i>	15.30 Mëssa tla Ciasa de Palsa 18.30 Mëssa prefestia dl ann + Hannele Pedevilla Trebo dl ann + Lena Costabiei Moling dl ann + Maria Tavella Vanzi + + Carlo Conte y Pia Monti	20.00 Mëssa prefestia + Elena Clara, Toch (dl ann) + Franz Flatscher (dl ann) + Florino Mischi (dl ann)	
23.02.2020 7ª DOMÈNIA - ANN A	9.00 Corona 9.30 Gran Mëssa por la Comunità + suor Maria Paula Fontanella dl ann + Fonjo y Dolfo Unterweger dl ann + Rita Costabiei por les püres Animes	7.55 Corona 8.15 Gran Mëssa por la Comunità	